

摘藻堂四庫全書薈要

集部

欽定四庫全書薈要

集部

元詩選初集卷四十二

詳校官候選知縣臣吳甸華



欽定四庫全書薈要卷二萬四百二

集部

元詩選初集卷四十二 長洲 顧嗣立 編

陳樵鹿皮子集



樵字居采婺州東陽人負經濟才介特自守隱居
園谷間衣鹿皮自號鹿皮子以當事者薦徵之不
起專意著述尤長於說經與同郡黃晉卿輩友善
嘗貽書宋景濂諄諄以文章相勉勵云所著曰鹿
皮子集好為古賦組織絳麗有魏晉人遺風其詩

于題咏為多屬對精巧時有奇氣如山遮春欲歸
時路鴈入鳬飛不盡天僧爨屋頭猿挂樹鳥銜窻
外雨生灸春在地中長不死月行天盡又飛來臺
虛人在空中立雲靜天從水面浮詩無獼髓痕猶
在夢有鸞膠斷若何野鹿避人懸樹宿溪魚乘水
上山來天出異香薰寶樹日將五色染游絲絮輕
便欲排空去花好多應換骨來即此數語可以步
武西崑諸作

出塞曲

為戍潼關
李總管賦

屬鏐夜唳光屬地將軍一出櫓槍死行塵不動人歸市
帶甲如雲自天至取君甲兵為君洗分明袖有銀河水
手中遺下泥一丸不封函谷封泰山

夜闌曲

碧宇星回夜漫漫靈蕪烟煖重薰薦冷翠香銷青桂枝
冰荷葢光光遶帷花樓豔舞金菱蕤吳羹蜀酒精瓊糜
酒闌半解龍綃衣春朝曲渚聞鶡雞

海人謠

海南蠻奴髮垂耳朝朝采寶丹崖裏夜光盈尺出飛魚
柏葉收珠寒瑟瑟幽箔連錢生綠花切玉蠻刀如切水
九譯來朝萬里天北風不動琅玕死

東飛伯勞西飛燕題飛花亭

東飛伯勞西飛燕花光絮影從風轉蜂黃蝶粉照靈葩
不散明珠祗散花霑衣隨袂花如雨羽人化蝶隨花去
與人下顧笑春紅春閨一昔生秋容

一作吳蕉未
省生秋風

骨齊

熊耳君知否花豔春暉不經久羽衣一拂千萬春春花
墮蕊齊崑崙

中秋月

銀漢西流烏接翼回首人間化為碧瑤臺月裏可避胡
三郎錯路歸魚鳧霓裳月裏親偷得却怪李暮偷摩笛
寒食詞

緜上火攻山鬼哭霜華夜入桃花粥重湖烟柳高插天
猶是咸淳賜火烟

虞美人草詞

美人不願顏如花
願為霜草逢春華
漢壁楚歌連夜起
騅不逝兮柰爾何
鴻門劒戟帳下舞
美人忍淚聽楚歌
楚歌入漢美人死
不見宮中有人屍

七夕宮詞

內人拜月金鋪戶
鳳宿梧枝秋葉下
露華入袂玉階寒
織署錦工催祭杼
月下金鈿照骨明
同心絲繪紅生縷
素瓜碧寶上華樓
夜闌颺馭下銀州

清隱亭

白日照陽春九陌揚遠塵往來酣蟻戰誰是投閒人
生苟知足政復貴隱淪萬事等大夢汨沒徒艱辛所以
賢達士不肯勞其神結亭林泉間歸來養清真窻虛野
鳥狎樹密山猿馴草色上階秀花枝倚檻新俛仰有佳
趣尊酒時相親終然遠塵俗不愧無裛民

雨香亭

花香不因雨雨過花更香氛氲入几席馥郁侵衣裳恍

疑熱沈水輕烟逐風揚此時鼻觀通百慮都已忘願攜
白玉盃掇英挹天漿灌沐紫金丹卯酉滋芬芳服食養
精魄一息三千霜絕勝仙掌露灑氣凝秋涼

悅心亭

清晨攬衣起感物暢我情春風從何來草木忽已榮深
池躍游鯈喬木遷鳴鶯俛仰極萬類氣機足生生哲人
貴冥會悠然竟何營此樂難具述酒至且復傾

送李仲積北上

圖名當入朝圖利當入市丘壑多賤貧胡為久留此入市不圖利入朝不圖名不如丘壑間逍遙抗高情白日從東來忽焉向西沒急景易蹉跎紅顏坐消歇鼎鼎百年內已過四十春借問百年老能有幾何人縱使創還丹可以長不老志士惜分陰立身亦不早回首望堂上慈親雙鬢皤得祿奉榮養其如遲莫何絕裾固無取負米良足美違離膝下去豈比蕩遊子我我黃金臺鳳詔求賢材君行會有遇名成早歸來

送吉夫北上

之子冰雪姿冥心學仙真官卑且勿念況復憂其貧
邇來太白山山勢凌秋旻雲盡月照夜花開鳥鳴晨閒居
少公事猿鶴為比鄰採芝過林麓釣魚遊水濱七年不
得調幽興如逸民通塞任物理聊用安此身憶昔始相
識交情日相親問君鍊藥方祕之不肯陳金液且莫採
何以製水銀豈伊蓬萊中無分追後塵君今別我去九
關朝帝宸功名信可就慎勿煩精神閬風青我我海波

白粼粼他年重會面笑盼桃花春

雙柏 題畫

亭亭山上柏柯榦如青銅蒼古拔俗姿肯作兒女容風
霜日搖落萬木為之空爾獨不見摧屹立如老翁乃知
歸根妙生意恒內融願乘雷雨興化作雙飛龍

瓊林臺

上清瓊林臺似有千仞崇琪樹交柯生瑤草亦成叢幻
境類玄圃凝輝接琳宮天花或時墮縈紆颺迴風仙人

薛玄卿手持玉芙蓉傲睨八極表洞見萬象空飛書約
王子弭節延赤松步虛朗歌咏流響入雲中

宣和滕奉使茂實

縣人

鳴綠少年驕不舞大梁花石春無主天與遼人十四州
四海九州非漢土漢使相看墮節毛烏烏黑頭羝不乳
舊時別贈楊柳枝插向雲中今十圍

和楊廉夫買妾歌

劉郎持玉笛再入天台山天台女兒不相見採藥直入

桃花源劉郎吹笛花能言雲離雨別三千年青驢橫波
髮鮮碧藍紅染作天桃色劉郎今姓楊相逢便相識金
條脫龍縞衣飈車木鳳凰飛下鐵山西簷桃拂面丹如
雨紅蝶黃鸝解歌舞桃源無路入人間一身金翠來何
許玉山子莫將迎方平會麻姑參語無蔡經飛仙不入
風沙地無端夜過崑山市三滌腸三洗髓絳雪玄霜玉
池水

代玉山子答

建昌老父吹羌管背花吹盡風花片雪中花老花未知
我起開簾納江燕夏姬出境春爭妍房老不出金谷園
花奴鼓急人人顧研光帽滑花難住

待月壇

為胡伯玉賦

憶昔待月錢唐秋眼寒桂樹枝相樛桂枝半蠹花不實
折之不得令人愁帝鄉幽燕邈吳越還向山中弄明月
聞道君家待月壇壇空風露何漫漫便欲因之遡寥廓
倒騎玉蟾飛廣寒廣寒宮殿殊清絕素娥嬋娟皎如雪

笑指桂樹對我言
留取高枝待君折
待君折須幾時明
年八月會相見
付與天香第一枝

題海棠

東風吹墮絳雲影
別院春遲宮漏永
繡帷寶帶綰流蘇
夢入瑤臺呼不醒
熒熒銀燭花蕊多
城頭烏曉奈曉何

石溪歌

為石漢和尚作

石溪一滴水
本自明河來
明河倒瀉箕尾涇
千里萬里喧風雷
小龍挾向雲間過
水滑瓢歌誤傾墮
蒼崖一息

裂清泉似是巨靈新擘破南州衲子天下奇夜撐鐵笛
欲渡之珠船照耀明月冷赤手拾得珊瑚枝又復揚舠
向東去直到衆流歸一處東方火發海影紅金烏飛上
扶桑曙

胡伯玉隱趣園君子池

五月菡萏發紅妝明綠波君看池上水何似若邪多若
邪女兒歌豔歌輕舟短櫂相經過傾城顏色有人妒日
莫涼風知奈何

蘆鴻四咏飛鳴宿食

錄二

肅羽遵寒渚渡江蘆葉黃誰云南去遠不敢過衡陽
沙汀棲處穩夜漏有奴看月暗蘆花白一身秋夢寒

送李仲積北上

北上京華去名成幾日歸春風折楊柳離思兩依依

送孫仲明尉再到東陽省墓歸太原二首

遊子思親日九回首丘無計轉堪哀故人相見休相問
不為東陽酒好來

西風老淚斷人腸
滴死墳前草樹荒
明日還家重回首
白雲何處是東陽

石

拳石當軒玉色寒
雨苔蝕盡鷓鴣斑
也知好事無真見
不看真山看假山

山水

青山如髻樹如麻
茅屋青帘認酒家
侵曉一番風雨過
滿川流出碧桃花

送蒙古教授郭受益歸洛陽

疋馬金華道西風過鴈初
葦羹十里地菰米九秋餘
齊語傳聲澀巴童問字踈
湯湯清洛水舊學復何如

白鸚鵡

開元白鸚鵡

一作雪衣女

長在玉墀邊宮樹棲應熟
胡書讀

未全音餘西域語夢入廣
南天莫把宮中事偷歸外
國傳

銀谷澗山房

樓臺依水石石樹帶疎篁洞口有靈藥水西無夕陽天
花空處沒春草定中長芳桂已飛盡有時聞妙香

春日

細雨花陰重輕烟草色勻驚禽長避客嬌燕却依人絃
管紅樓酒踈疏紫陌塵東風競遊賞因想杏園春

雨二首

雲氣朝彌積濤聲晚更雄鼃生沈竈下人入漏天中稍
覺傷生意深愁誤化工羲和司叱馭為擁日車紅

楚澤連空濶，吳天極杳冥。
水添今日白，山沒向來青。
鷺乘原隰，藜蒿翳戶庭。
出門知未可，試學衛生經。

送張仲舉歸晉陽舉進士二首

籍甚張公子，詞華衆所推。
門閭千里望，天地一編詩。
花落山公宅，雲寒杵臼祠。
看君歸晉日，翻作別家時。
挂帆謝公浦，把酒闔閭城。
江柳不忍折，春風當別行。
關雲連楚暗，隴月向吳生。
葉落長安道，思君北問程。

黃晉卿見過却歸烏傷

江雨間行人江干雨又新
今朝下垂榻幾日望行塵
氷雪鷺遷樹江湖鴈得春
非君被軒冕懷抱欲何伸

送烏經歷歸二十韻

大府羅賓彥修門得俊賢
明時優外任密畫制中權
曉日卿雲麗高秋白月懸
千尋看壁立百鍊識金堅
殷浩名無忝崔羣美可專
緋袍臨僻壤華髮憶流年
山捐金華秀城當婺女躔
民風仍皞皞王道故平平
玄暢塵囂外芙蓉夾氣邊
憲臺依翠栢幕府擁紅蓮
法謹持三尺

書應受一編公言歸可否德意賴承宣歙郡推遺直河
陽贊巨川可能羞噲伍豈復媿盧前洲媚珠含彩林輝
玉吐煙豫籌纔婉婉歸思忽翩翩趨拜麒麟殿違離玳
瑁筵幾時嗟螻屈後日看鷺遷空遺參軍紙曾辭太守
錢雙溪清若許明月送歸船

題建炎遺詔

解下塗金膝上衣

一作蛾眉
金縷衣

息息命將墨淋漓圖中吳

楚無端折月裏山河一半虧銀漢經天都是淚杜鵑入

洛不如歸黃衣傳詔三軍泣不是班師詔岳飛

鹿皮子律詩多

出韻者即吳才老通用之意已為宋景濂洪武正韻發其端矣

蛺蝶圖

禁籞名園信所之深紅膩紫共春暉人疑落葉有生色
我道飛花上故枝掌上艷姬垂裊舞屋頭故吏竊香歸
花中只許秦宮活未必莊生入夢思

北山別業三十八咏

錄十六首

太霞洞

冬春居此洞

石林深處飯胡麻幾度登臨送日車

一作山中穴處逞春和洞下栽桃攬

物華雪到峰頭猶是雨雲生石上半成霞相看露下朝華

草不放春歸冷豔花

地冷花遲元無影日傍晴崖不度花

一作樹臨陰壑

魏紫

姚黃風掃盡人間蜂蝶到山家

一作莫夜相過玩清月山前鄰笛兩三家

飛雨洞

盛夏居此洞流沫成雨中有小泓

蜀天萬里入東州

一作天梯石棧落東州

冷翠侵扉翠欲流朱鯉

有靈時出穴白狐生火幾經秋山中十暑寒猶在潭上

千年雨未收昨日西林晞白髮濕雲依舊滿貂裘

碧落洞

秋初入
居此洞

灝氣翻衣露滿懷
人言天上我驚猜
近從月裏種花去
遙見鼎湖飛葉來
使我加餐有黃獨
為人題榜是青苔
杖頭化作光明燭
願逐東皇下九垓

巴雨洞

溼雲侵袂

一作衣洞

細泚泚自曬蓑衣
石上楓海月長來飛

雨下仙家半入漏
天中石稜近水依
崖長山梯著霜連
葉紅却笑當年補
天手鍊成五色竟
無功

梅墩石

篁竹蕭蕭暗

一作隔

水鳴朝暎奕奕耿殘星
繇花無處分

南北明月何時厭死生
石樹裏雲長自溼日華映雨半
邊晴霜晨露夕長來徃幾度攜琴鼓再行

越觀

在巖頂

吳根越角兩茫茫石傘峰頭俛大荒
鳥道北來通禹會
鴈程南不盡衡陽雲移暫覺天河沒
月暗不知松影長
天姥若邪他日事明朝采葢下山梁

陳氏山林春日雜興

賸水殘山瘴海濱一丘一壑可全真月華

一作夜光

雖死猶

隨我春色為塵亦污人石護生香成石乳花連別樹作

花身

新接梅

他年終擬忘名氏碣石桐江理釣綸

少霞洞山居

太霞洞口

一作裏

採金芝千歲山南

一作前

聽碧雞煮石鼎

中饒

一作燒

綠薤封書函外有丹泥度關僧寄娑羅樹入

市人傳木客詩又

一作却

抱瑤琴向陰洞青禽啄碎碧梧

枝

園谷澗

一作臺

雲在闌干葉在庭

瓢一作囊

中無藥事

一作自

飛騰丹霄有

路星辰近

一作長河如帶東南折又作銀河屬地西南溼

明月無根日夜生滿

裏天香和夢冷半村雨色傍林青仙人約我瓊樓上

一作

瓊樓玉宇丹霄裏

只恐月中秋更清

秦素壇

竹死煙寒樹不榮石壇千仞與雲平春來天上元無色

雨到人間方有聲夢入松風吹不斷詩如芳草翦還生

陶山北望飛霞散夜半有時孤鶴鳴

一作他年學製鄒生律盡種山樊與

杜蘅

招隱巖

一作山

何年積蓋與山齊樹轉峰回草逕微野火裂為方解石

秋風不到寄生枝誰來樹下看雲坐半入人間作燕飛

箬笠巖

一作柏葉山

前今淨社不須更草北山移

紫薇巖

在蘭池上

手種巖花對北峰
花間無葉紫茸茸
人行鳬鴈不到處
家在鶯花第幾重
綠水值陰還又碧
青春著樹却成紅
紫薇莫入絲綸閣
且伴山中白髮翁

石甌峰

柏葉山前鶯亂嘯
小樓西望石離離
北峰雲出何曾斷

一作甌中雲
起長如溼

東郡

一作門外

山凡不解飛
蘿薦相扶根著樹

蟾蜍不死肉成芝
黃梁夢短風塵暗
不是山人好食薇

飛花亭

昨日朝華照夕曛又看夕秀比朝菌松高猿見古時月
花晚鶯添幾日春盛露囊中封臘藥無塵裏裏吳雲
人間何用春長在只愛飛紅日日新

空翠堂

蕉葉莪葵照檻明山光入室雨初晴平分天上無邊色
送盡江南未了青息石長年依砌活茯苓無種入階生
亭西昨日林霏重採藥歸來露滿庭

鹿皮子墓

土蝕苔

一作石上藤

侵古瓦棺

一作斑

化臺深鎖萬松關坐看

天上樓成日吟到人間詩盡年勾漏無靈丹竈冷孟郊

未死白雲閒江南春草年年綠又向他生說鄭玄

鹿皮子北山詩咏多秀健之句如五雲洞云松花入
醞傳香碧貝葉分題寫硬黃溪亭云雲隨白鶴翔千
仞月與青猿共一枝翻經臺云枝重有時來白鳥雨
殘無處著晴虹東白草堂云卷簾帳下雲先去步月
庭前樹欲行望月臺云松高琥珀無苗出蟾老丹書
滿腹生銀谷澗空碧亭云水鳥臨池青入羽仙人唾
地碧如天少霞室云石壁水花泉湧出海棠春色鳥
銜來少霞洞云龍帶雨花臨硯滴僧添櫺葉上秋衣
北峰云雲傍樓臺低地碧天將草樹染春青水亭云
曲水傍人流白羽嬌花無語答黃鸝清涼臺云好風

入夏傳芳信片雨隨龍度月明忘憂閣云天外唾如
雲樣碧江南春興草俱青南軒云人來此地見山碧
月未冷時如日紅雲山不礙樓云庭虛只放溪雲度
水淺不妨松影長蘭池云猿窺澗底風枝動鴛踏花
間水影翻壺天云神遊八極皆吾土天入三山不滿
壺又有蘿衣洞醒酒石圓谷澗野芳園山齋山園等
題共三十八咏其棲隱之地可以想見後以鹿
皮子墓終之亦司空表聖王官谷生壙之意也

臨花亭五首

惡雨愁風易結因夜遊秉燭晝傳殮香添荔子能消日
粥費桃花怕減春綠暗有人來折柳紅飛翦紙為招魂
竹間午夢時驚覺滿眼卿雲覆錦茵

芳草生烟葯在房
鞞紅衣紫共芬芳
丘園風雨三家市
草木文章萬丈光
花正欲言還寂嘿
春無自性不堅良
晚來只有鵝紅在
莫放香絲取次黃

滿樹琉璃間碧瑤
當歸葉長映芭蕉
樹頭生雨時時溼
春色如花日日銷
杜宇有言終不踐
綠魚新種已生苗
今朝百舌聞鶯語
飛上梧桐特地嬌

松邊柳下日徘徊
鳥散飛紅墮酒杯
芍藥成叢當戶出
茯苓分種傍松栽
雲高卷雨從風去
花晚將春入夏來

亭下肉紅如斗大耐看不似玉玫瑰

遠山過雨綠崔嵬竹外青松竹下梅滿樹丹青隨物換
平生富貴逐春來歌珠一串鶯流出花影數重風揭開
關右牛酥賤如土莫教紅紫落成堆

蠟屐亭

晉阮孚避
亂婺州

七賢老死獨南奔裏有江亭隄淚痕
函夏盡為新土宇
醉鄉不失舊乾坤金貂曾入丹陽市
蠟屐應歸白下門
惆悵黃門墓前柏不禁三度見風塵

上虞魏氏湖上精舍圖

湖上蘭舟水上亭，有時水漲與階平。
亭前古柳經春弱，門外孤洲昨夜生。
海氣遙連一作侵育王塢，蜃樓半入會稽城。
山陰道士攜琴至，寫盡風聲到水聲。

霜巖石室二首

洞天無暑亦無寒，淑氣芳風不出山。
掃葉僧歸雲未溼，賣花人去蝶先還。
滿庭修竹下黃葉，千歲古松生綠烟。
盡道雪中依裸壤，我疑夏室是冰天。

滿林翠霧溼麻衣山影遙侵白板扉竹石無心吾所畏
烟霞有疾不須醫夢騎鶴處天逾濶歌過雲時花不飛
燕子歸來背人去吾廬無地可棲遲

石樓草廬

一室寬於一畝宮隔林竹樹影重重青春著地十分綠
白日經天兩度紅小草自憐無遠志茯苓終不近孤松
未須西憶金華洞只在周回百里中

空碧亭

晴光潭影共澄鮮
雨外林陰色更妍
碧海如杯誰縮地
青冥著水誤憂天
河垂澗底遙相屬
斗入人間却右旋
病叟年來倦登陟
朝朝玩水夜聽泉

山房

冷雲堆裏散人家
鹿幘羊裘不衣麻
門外樹身無歲月
山中人語帶烟霞
雲侵壞衲長生菌
風斷游絲半度花
采斂林深人不見
連筒引水自煎茶

飛觀

日高空翠拂簾旌茅閣飛飛照日明
銀色榜題章草字
烏絲闌寫越花名何須舉翮乘風去
曾入浮空看月生
却笑羣仙餘習在隨身宮殿逐人行

寶掌泉

屋上無端雨亂飄雨留石罅碧寥寥
浮光出穴藏丹淺
浣水為花到地消石髮年深長滿洞
玉魚春冷未生苗
泉中自是蛟龍窟頃刻陰雲滿樹腰

春日閨思

白玉堂前雙燕飛
堂中思婦怨殘暉
臂環寄遠青蕪合
瓊宇題乾白鴈歸
醉倚合昏驚葉暗
愁尋豈蔻妒花肥
窗間昨日同心錦
染罷香絲不上機

跳銀溪

枕石聽泉伏草萊
跳銀溪上日裴裛
山間遠樹迎人出
日轉晴虹渡水來
雲氣長連西澗石
春寒猶在北枝梅
谷亭幾載秋無黍
沙上菰蒲暖更栽

分題翠光亭送李仲常江陰知事

亭前練水細如縈亭上君山玉作屏林斷纔通吳月白
鴈飛不盡楚天青莓苔著雨長黏石翡翠迎風欲墮翎
怪得步兵迷望眼詩成正值酒初醒

詩林亭

少日論文氣似霓看花覓句到花飛吟成思入月中去
語冷心從雨外歸林下樹寒和石瘦雲邊螢溼渡花遲
眼中有句無人道投老拋書衣鹿皮

玉雪亭六首

梨雲柳絮共微茫春入園林一色芳
枸杞通靈空吠月
芙蓉到死不禁霜夢遊蓬島瑤臺曙
歌落吳雲玉樹長
亦擬廣寒親學舞朝來新製白霓裳

冰夷遊遍列仙家片片臨風散六花
陰壑有光迷白月
亂山無處覓青霞臺高漸見石稜長
枝重不禁梅影斜
聞說銀河都翦碎津頭幾欲問星槎

凍雲巖壑曉瞳矐目極齊州望欲空
落月回光窺上界
嬌花無信誤東風曲吹鐵笛驚雲散
槎向銀河與海通

野客燒丹涑洞裏自調火候似春融

銀漢傾翻貫月查驚鴻無處認江沙水晶簾密秋光冷
華蓋峰高天影斜飛瀑半凝蒼玉佩薰風不度碧桃花
山前山後多鄰曲盡作江南富貴家

俗塵無路到巖扃瓊作池臺玉作亭海月寒通千頃白
楚山瘦減八分青回屏紋細裁龜甲野褐年深補鶴翎
應有才華奪天巧天葩飛墮滿中庭

羽仙飛步駕青鸞仙袂臨風響佩環琪樹移根來月裏

瓊花無夢落人間
春回壘首梅先覺
舟入山陰客未還
我亦玉堂揮翰手
他年鷁鷺筵朝班

三泉

泉眼離離傍石稜
奔流脈脈到軒楹
詩成石面花無數
夢冷池頭草不生
江夏茶經有遺譜
南磬水樂變新聲
林居漸覺機心斷
渴鹿逢人自不驚

少微巖

石醜松寒槲葉

一作夏

乾振衣又在碧霞邊
南州處士星

猶近今歲中秋月未圓

十六日望

雲葉長黏巖上石雨苔不

滿洞中天麝香眠處休驚起綠桂初紅果欲然

長安有狹斜行

長安有狹斜方駕秦中客云是牛丞相來自薄家宅薄
家萬戶侯朱門映椒壁長楸車馬來賓客御瑤席金屋
貯尹邢阿嬌淚沾臆燕燕慵來妝繡華照春色轉蕙光
風翻趙帶徘徊月到班姬牀班姬輟芳翰紈扇從風揚
明妃鬪百草玉環御雲裝向來溫柔地盡入白雲鄉何

以慰王孫琵琶隨驢驢何以闕燕燕罷舞歌慨慷何以

奉明主綠珠奏清商嫫母挾無鹽搔頭愛宮妝

送厲生之天台

劉郎洞前藥草肥年年送春春不歸劉郎採藥路不迷路迷却是還家時人間藥盡採者稀醫師採藥歸未遲終南捷徑莫西去正在劉郎路迷處

竹枝詞二首

望夫石上望夫時杜宇朝朝勸妾歸未必望夫身化石

且向征夫屋上嘯

僻亭女兒坐可憐今年同上採蓮船
妾心恰是荷心苦只食么荷不食蓮

謝宗可詠物詩

宗可字

闕

金陵人有咏物詩百篇傳於世汪澤

民題其卷以為綺靡而不傷於華平淡而不流於俗大抵元人咏物頗尚纖巧而宗可尤以見長今擇其雅練者錄之其他句法多可存者如詠紙衾云松牀夜暖雲生席蕙帳香融雪滿身梅夢云暖入羅浮春困早香迷姑射曉醒遲筆陣云怒卷龍蛇雲霧泣長驅風雨鬼神驚鷺梭云柳隄暗卷絲

千尺花隄橫拋錦萬機鷺羽扇云暑退沙頭千點
雪涼生頂上幾絲風螳螂簪云鬢雪冷侵霜斧落
髮雲寒壓翠裳空螺殼酒杯云尊中綠照珠光潤
掌上春擎海氣多網巾云篩影細分雲縷滑棋文
斜界雪絲乾琉璃簾云淨練懸風晴未落明河接
地曉難收水燈云珠浮赤水光猶濕火浴丹池夜
未乾霜花云有豔淡妝宮瓦曉無香寒壓板橋秋
紙鳶云半紙飛騰元在已一絲高下豈隨人蟠梅

云風霜氣勢從千折鐵石心腸亦九迴硯冰云一
泓曉色玄霜重半夜天風黑水乾塵世云微步緩
隨羅襪起清歌飛繞畫梁空醒酒石云蒼骨冷侵
酣枕夢苔痕清逼醉鄉春梅杖云江路策雲香在
手溪橋挑月影隨人雪煎茶云月團影落銀河水
雲脚香融玉樹春問梅云鐘殘角斷愁多少月落
參橫夢有無尊線云冰穀冷纏青縷滑翠鈿細綴
玉絲香類皆婉秀有思致也

睡燕

補巢銜罷

一作得

落花泥困頓

一作倚

東風倦翼

一作翅

低金

屋晝長

一作間

隨蝶化雕梁

一作玉堂

春盡

一作靜

怕鶯唬魂飛

漢殿人應老

一作遠

夢入烏衣路轉

一作欲

迷却怪

一作被

卷

簾人喚醒小橋深巷

一作流水

夕陽西

紙帳

清懸四壁剡溪霜高卧梅花月半牀
繭甕有天春不老
瑤臺無夜雪生香覺來虛白神光發
睡去清閒好夢長

一枕總無塵土氣何妨留我白雲鄉

曉色

遠似煙霏近又空非明非夜兩朦朧一天清露洗難退
幾樹暗雲遮不窮畫一作斷角樓臺濃淡裏殘燈院落有
無中蒼茫烟逐雞聲散又被朝陽染作紅

茶筵

此君一節瑩無瑕夜聽松聲漱玉華萬縷引風歸蟹眼
半瓶飛雪起龍芽香凝翠髮雲生脚溼滿蒼髯浪卷花

到手纖毫皆盡力多因不負玉川家

賣花聲

春光叫遍費千金紫韻紅腔細細吟幾處又一作偶驚遊

冶夢誰家不動惜芳心暗一作響穿紅霧樓臺曉一作遠清

逐香風巷陌深妝鏡美人聽未了繡簾低揭畫簷陰

詩瓢

雨蔓霜藤一作條老翠壺吟邊不是酒葫蘆剖開架上輪

囷玉著盡胸中錯落珠滿貯苦心留宇宙深藏清氣付江

湖誰家半腹能千首為問山人果在無

鴈賓

地北天南萬里身驚寒昨夜過邊城暫隨沙漠秋來夢
留得湘江社後春水宿雲飛同是客風嘹月唳自相親
荒汀斷渚年年路應認蘆花作主人

紅梅

梨雲無夢倚黃昏薄倩朱鉛蝕淚痕宿酒破寒薰玉骨
仙丹偷煖返冰魂茜裊影露羅衣卷霞佩香封縞袂溫

回首孤山斜照外尋真一作春誤入杏花邨

鴈字

蘆花月底寄秋情陣影南飛勢

一作寫

不停一畫寫

一作

帶畫開湘水碧半行草破楚天青雲牋冷印蟲書迹煙

墨濃模鳥篆形題盡子卿

一作故鄉

心事苦斷文無數落

寒汀

龍杖

鱗甲光搖玉一枝幽宮躍出袖中持多因掌握提攜晚

休恨飛騰變化遲
緩策不愁山雨濕
醉橫長有野雲隨
會看挂壁風雷起
莫待詩翁過葛陂

螢燈

微熒閃閃拂晴波
幾度黃昏誤舞蛾
銀粟無烟棲碧蘚
玉蟲留影綴青莎
秋空雨歇寒光墮
晚逕風閒冷燼多
欲喚紗囊車武子
為渠還賦短檠歌

綠陰

萬樹東風湧翠瀾
遮藏芳恨料猶難
入簾蒼靄暮春晚

滿地碧雲清晝寒柳暗池臺烟乍濕槐深門巷雨初乾
階前花落無人到又染苔痕上石闌

鴈陣

渡江秋影又南征折葦銜枚夜不驚冷聚圓沙盤地軸
曉浮寒水落天衡風馳截破湘烟濶雲擁斜銜塞月明
洲渚網羅應有伏橫空千里不留行

鼠鬚筆

夜逐虛星上月宮奮髯奪得管城公橐中不攪吟窻夢

指下先爭翰苑功，莫笑硯池濡醉墨。
絕勝倉廩飽陳紅，平生齧盡詩書字。
散作龍蛇落紙中。

龍涎香

瀛島蟠龍玉吐涎，輕氛飛遶博山青。
暖浮蛟窟潮聲怒，清徹驪宮蟄睡醒。
碧腦盈箱收海氣，紅薇滴露洗雲腥。
雨窗篝火濃薰被，夢駕蒼鱗上帝庭。

蘆花被

白似楊花煖似烘，纖塵難到黑甜中。
軟鋪香絮清無比。

醉壓晴霜夜不融一枕和秋眠落月五更飛夢逐西風
誰憐宿鴈江汀冷贏得相思舊恨空

蓮葉舟

穩櫂紅衣泛渺茫風帆浪櫂水雲鄉曉撐太華半峰月
晚載西湖十里香藕放雪絲應作纜荷歌翠柄若為檣
不須更捧金仙足太乙真人夢正涼

漁蓑

翠結香莎付釣舟一竿風雨不須愁苔磯夜泊披寒去

葦岸昏歸帶溼收月冷籠衣眠舵尾天晴隨網曬船頭
羊裘莫笑狂奴錯也著烟波萬頃秋

走馬燈

飈輪擁騎駕炎精飛遶人間不夜城風鬣追星低弄影
霜蹠逐電去無聲秦軍夜潰咸陽火吳炬宵馳赤壁兵
更憶雕鞍年少夢一作客章臺踏碎月華明

蓮燈

萬點芙蓉午夜芳醉看疑是水雲鄉蘭缸照破西湖夢

火樹燒殘太液香
焰暖應愁擎夜雨
燼寒不為倒秋霜
元宵庭院東風曉
零落紅衣繞畫梁

柳眼

媚嫵窺春淺
碧浮欲開還閉半
顰羞露垂烟縷
秋波溜雨歇
風條曉淚收
上苑困酣興
廢夢灞橋看
盡古今愁五株
彭澤回青否
應是生花雪滿頭

花霧

倦紫酣紅總未醒
暗薰芳淚滴無聲
羅幃隱繡迷春色

綺縠籠香護曉晴薄暝枝頭留睡蝶輕陰樹底咽啼鶯
東風卷到闌干曲半溼游絲舞不成

茶烟

玉川鑪畔影沈沈淡碧縈空杳隔林蚓竅聲微松火暗
鳳團香暖竹窻陰詩成禪榻風初起夢破僧房雪未深
老鶴歸遲無俗侶白雲一縷在遥岑

游絲

搖曳春光百尺輕烟綃舞斷任縱橫暗縈芳恨應無力

亂綰花愁似有情一縷綠楊風正軟半痕紅杏雨初晴
莫教飛到天機上恐一作空誤龍梭織不成

海蟄

層濤擁沫綴蝦行水母含秋孕地靈海氣凍凝紅玉脆
天風寒結紫雲腥霞衣褪色冰涎滑瑤縷烹香酒力醒
應是楚宮萍實老誤隨潮信落滄溟

醉鄉

曾笑三閭不解遊移家欲向麴城頭人酣方外鴻荒夢

誰識城中富貴愁
夜月放船浮酒海
春風扶杖到糟丘
相逢還似無何有
喚起東皋為贈侯

仙槎

曾作河源萬里舟
塵根已斷卧蛟虬
無心下土承烟雨
有路層霄犯斗牛
破浪遠衝銀漢曉
凌風徑渡碧天秋
歸來帶得支機石
誰識人間博望侯

天燈

龍逐炎精下紫宮
夜深不肯落雲中
光分霄漢三更黑

影亂星辰萬點紅
玉柱倚天擎火齊
金繩繫日挂瑤空
照開仙闕光明路
絳節霓旌穩駕風

無絃琴

獨繭長縑底用抽
蛇紋空鎖鳳枝秋
落星留

一作有

暈繩

光斷凍瀑無聲練
影收別鶴那聞風
外泣孤鸞不向月

中愁多情只有柴
桑老寂寂高山

一作山高

水自流

松枝火

鮮骨誰教劫火侵
欲將春意破窮陰
鱗鬣光動紅雲起

膏液香融紫霧深餘燼尚留霜後節死灰難滅歲寒心
有時焰起隨風轉猶是蒼龍澗底吟

藕花風

舞落

一作罷

紅衣起未休水雲鄉裏正

一作冷

颼颼五更清

逼銀塘露

一作曉

六月涼生玉井秋颼浪低翻霞影亂凌

波輕弄

一作漾

錦香浮莫教吹醒鴛鴦夢好送真人一葉

舟

水中梅影

澄澄寒碧映冰條雲母屏開見阿嬌春色一枝流不去
雪痕千點漫難消臨風倚檻雲鬟溼帶月凌波玉佩搖
最是黃昏堪畫處橫斜清淺傍溪橋

半日閒

閒處光陰未有涯偶然一晌到山家坐看雲起畫停午
靜聽流泉日未斜槐影正圓初破睡竹陰微轉罷分茶
也勝忙裏風波客十二時中老鬢華

雙陸

彩霞清響押盤飛曾記唐宮為賜緋影入空梁殘月在
聲隨征馬落星稀重門據險應輸擲數點爭雄莫露機
惟恨懷英誇敵手御前奪取翠裘歸

水中月

清波漫月月波浮玉兔涼生萬頃流丹桂影沈江浦夜
白蓮光浴海天秋鮫人泣罷珠猶溼龍女粧殘鏡未收
應是廣寒眠不得水晶宮裏夜深遊

梅魂

枝南枝北路迢遙飛入孤山夜寂寥水月浮香應自返
溪風弄影為誰招縞衣夢裏和愁斷玉笛聲中逐恨消
似欠靈均歌楚些逋仙墳冷草蕭蕭

龍形松

天矯擎雲海上來蜿蜒蛻骨老莓苔紫髯夜溼千山雨
鐵甲春生萬壑雷影動欲翻平陸起聲號如卷怒潮回
蜷枝冷挂巖前月猶似擎珠照九垓

水紋

新綠粼粼漾淺漪，縑成春色上苔衣。
一池碧暈雨初落，千疊翠鱗風更微。
淨穀光搖湘女鏡，輕羅影動水仙機。
何如袖取并刀去，剪取吳淞半幅歸。

竹夫人


胸次玲瓏粉黛羞，宵征何必抱衾裯。
應無雲雨三更夢，自有冰霜六月秋。
盡節每曾陳諷刺，虛心那解老溫柔。
專房不怕蛾眉妒，只恐西風動別愁。

鴛鴦梅

兩兩魁春簇錦機
文衾夢覺月分輝
枝頭交頸棲香暖
花底同心結子肥
金殿鎖烟妝粉額
玉堂環水浴紅衣
有情一種隨流去
莫被風飄各自飛



元詩選初集卷四十二



總校官候補中書臣吳紹潔

校對官編修臣馬啟泰

謄錄監生臣夏清和



欽定四庫全書薈要

集部

元詩選初集卷四十三

詳校官候選知縣臣吳嗣華



欽定四庫全書薈要卷二萬四百三

集部

元詩選初集卷四十三

長洲

顧嗣立

編

吳萊淵穎集

萊字立夫浦江人集賢學士直方之子延祐間貢
舉法行有司以春秋薦下第歸出遊海東洲歷蛟

門峽過小白華山登盤陀石著觀日賦以見志還
寓同縣陳士貞家與龍湫五洩鄰榛篁蒙密似不
類人世日嘯咏其中暢然自得御史行部以茂才

薦署饒州路長鄉書院山長未行而疾作卒年四

十四門生學子金華宋濂等議曰先生經義玄深

非淵而何文辭貞敏非穎而何私謚曰淵穎先生

先生與黃侍講潛柳待制貫同出方韶父之門身

羸弱如不勝衣雙瞳碧色爛爛如巖下電人或以

古文試之察其辭氣即知為某代某人所作一日

於故人家見几上堆剡紙數十番戲為長歌頃刻

而盡觀者驚以為神所著有尚書標說春秋世變

圖傳授譜古職方錄孟子弟子列傳樂府類編楚
漢正聲等書其子士諤哀次其遺文為十二卷門
人胡翰為之序東陽胡助謂其如千兵萬馬銜枚
疾馳而不聞其聲他人恒苦其淺陋而立夫獨患
其宏博黃侍講嘗謂人曰立夫文蘄絕雄深類秦
漢間人所作皆確論也

觀孫太古周天二十八宿星君像圖

大圜杳何極鼇柱屹不傾日月光最耀衆星莽縱橫周

天二十八錯絜各有名荒哉審厥象晃朗奪目睛東垣
青龍岬西園白虎獬飛鳥隼狀偃伏龜蛇精紫宮自
然拱銀漢無復聲五行所經緯甘石知性情上界足官
府神人居穆清韓曄逞幻怪顏顓振鏗轟跳踉鬼脚捷
舛談獸面頰裳衣可裸襲角鬣紛披鬚豈其太白變嬉
戲類強嚶或者熒惑動威怒流欒槍照臨多芒角躔次
在縮羸揣摩過人料綵繪匪世程伊誰駕一氣得以導
九坑想像陵倒景觀遊撫層城空虛何宮宇蒼莽孰節

旌母寧秉筆際溘此埃風征凡夫本狹見四顧惟寥瀛
夜叉冰澁呀羅刹炎微瞠蛟女買綃出狗夫銜筋爭祇
疑列宿質却混殊方氓山神對我博刻石華山陘海神
斬我畫浪卷滄海鯨天神詎可識萬古欺聾盲星占世
有職畫史吾奚評

早秋偶然作寄宋景濂四首

西風吹梧桐一葉兩葉積故書翻有塵雄劍挂在壁時
非合窮困事到即輝赫除却雙鹿行門前少人跡

故人兩三人江北久羈旅尋香古徑風步履修廊雨蓊
鱸最有味稻蟹紛難數我欲徃從之蠻潮正掀舞

北山有古寺修竹炎天涼蛟龍踞兩澗鶴鶴鳴層岡心
臺月照白鼻觀烟通香可思未到詠此招隱章

徃者東入海飄然任所如大風戕波浪飛雪灑舳艫壯
志昔尚少狂遊今併無誓登盤陀石重望扶桑墟

泰山高寄陳彥正

泰山一何高高哉極青天世人欲上不可上層巖峭壁

徒攀緣望中絕頂路已斷石穴上出鐵鎖下絙歷趄相
鈎連誰歟愛奇者步步喜若癲一心不顧死隻手捩長
烟毛羣驚迴少虎豹羽族跼墮多烏鳶浩氣剛風搏結
虛空作世界蜚龍捷鬼鑿開混沌巢神仙道逢四五叟
含笑使來前黃冠皓髮傲几榻野菜素粥鋪盤筵自非
爾願力何計此留連當知仰扣曖昧雲霄有頂處得不
俯懾薪巖箬棧無窮淵嗟茲大凡夫行尸走肉真腥羶
段碧思家最可惜李紳戀俗終難鑄舉頭告神人苦乏

風馬與電鞭藤蘿束縛即絕下但見松栢櫟參數萬仞
石稜突兀橫戈鋌古來秦漢東封不到此惟問梁父并
肅然日觀差我恍在下蓬萊浩渺空樓船彼云鯨可射
此謂狗能牽安期羨門一往不復返文成五利受寵驟
貴祈長年仙人自有真至道何由傳逖焉龍漢延康紀
去授金璫玉珮篇

嚴陵應仲章自杭寄書至賦此荅之

故舊何懸絕閒居欲反招幽并風雪緊楚越水雲遙短

褐緇塵破長鐔寶氣銷門垣成隱逸筆櫝到畊樵逆旅
呼燈夕修闌徹棘朝囊書題薈蕞發論獻翦堯舌焰真
熏灼胸兵劇鍛敷乘軒南國鶴解錠朔庭鵬幹運天垂
斗蜚騰海作潮荃蘭騷地變橘柚貢年凋色采黃金黻
音聲角徵韶潛身甘蟄蠖賦命類茗鷄筮仕龜無兆攻
經教有條秦灰完竹帛漢粕味簞瓢畫品翎毛貴雞塲
爪距驕文章通政理道義勝官僚歲月嗟悠久江湖耐
寂寥花濃攜酒榼柳霽賣錫簫制虎揺金錫驅龜駕楮

橋流連光景賞播蕩別離謠世笑烏非鵲吾憐狗續貂
呼號三刖璞忼慨五陵鑣落落山中桂叢叢澗底苗依
然百將略付與霍嫖姚

題錢舜舉張麗華侍女汲井圖

景陽宮中景陽井手出銀盤牽素綆鉛華不御面生光
寶帳垂綃花妒影臨春結綺屹層空壁月瓊枝狎客同
鴛鴦戲水池塘雨蛺蝶尋香殿閣風日高歡宴驕若訴
牀脚表章昏不寤吳兒白袍戰鼓死洛土青蓋降船渡

井泥無波井闌缺半點胭脂汙緋雪蕙心蘭質吹作塵
目斷寒江鎖江鐵

問五臟

我問昔生我繫胎果何神上顱下負趾五臟交錯陳胎
經已不足乳湮復不勻黔雷不我職粉飾強為人自宜
多蓄害無以保命真元氣日晷敗客邪作艱屯彼何瓠
而肥言貌勇若震此何黥而瘠肢骨弱不伸嗟夫賦命
間豈不汝由因我誠不汝慊羸瘠胡不均五精被我惱

訴我蒼蒼旻恍然欲我荅天道汝當遵粵自汝有生躔
次逆星辰矧從汝生後戕賊遂汝身心今本中居與汝
相主賓汝何不祇敬狂役類風輪坎離漸違行龍虎起
戰嗔一元竟不守散入萬微塵惟脾制水穀四體承華
津肴載噤汝口酒漿絕沾脣司祿不上計畀汝藜藿貧
飢腸常九回苦吻添荆榛何天不汝錫服用無箱困抑
汝弗事天寢食失鼎茵天本不病汝汝實使病臻汝仍
不耐病虛躁復善顰內虧但外養衆藥聚毒芬金石草

木蟲亂投劇斧種五精恒不寧乖沴積相熏寒增熱或
壯頃刻異冰薪當知汝五臟獨不與汝親何庸汝反詰
鬪我似越秦吁哉一臟損五臟遽不醅齒牙漸雕蠹膚
肉還削皴汝徒職汝職軀殼有君臣天曾盡賦汝造化
匪不仁我聞五精言鑿鑿總有倫曰人本之天辟若泥
在鈞一時巧相值萬物混無垠聖愚且同羸毛介與角
鱗我惟有心肝是號橫目民心肝既屬我榮衛盍細緼
徧歷燥溼滑備嘗酸鹹辛虐汝重役汝汝得我緇磷蚯

蚓尚無臟靜夜解唱呻蝴蝶亦復然翾飛媚陽春彼寧
心肝具物性各有循鏐納或土化死生僅昏晨自今我
即安無往不寵珍忍令百歲後銷變為烟燐曲肱便莞
簞就口取曉臚五精速歸臟大宅集靈氛張毅喜奔走
熱中果如焚單豹好容顏饑虎持汝鄰二者乃天道我
將何所云作詩示同黨聊以博笑忻

黑海青歌

越山山有黑海青長拳快眼健羽翎三年籠養未得飽

萬里驍俊猶飛星黃蘆老葦日摧折白鷺文鶴看磔裂
腥沾石磧久遠風髓擊寒岡散輕雪伊人脫手本凡禽
歲晚連條到上林鉗奴素賤多侯骨騎士虛豪即俠心
晉宮邸廢身欲死燕國雲銷草如砥嗟非鸞鳳高杳冥
望盡狐狸衆披靡當時奉使探遠巢兩徼馳兵聞勇鏖
南土誰知此鷙猛北州驟見爭驚號天鵝薄天垂爾翼
海青雖黑打可得太平八極無不通函谷何問關西東

大食瓶

西南有大食國自波斯傳茲人最解寶厥土善陶埏素
瓶一二尺金碧燦相鮮晶瑩龍宮獻錯落鬼斧鐫粟紋
起點綴花毵蟠蜿蜒定州讓巧薄邛邑鬪清堅脫指滑
欲隨凝瞳冷將穿逝哉賈胡力直致鮫鰭淵常嗟古器
物頗為世所捐襤衫易冠袞盤盂改豆籩禮圖日以變
戎索豈其然在時苟適用重譯悉來前大寰幸混一四
海際幅員縣度縛繩紉娑夷航革船鑿空發使節隨俗
混民編漢玉堆積笥蕃羅塞鞍韉城池信不隔服食奈

渠遷輪囷即上據鼎釜疇能肩插葩奪豔冶盛酪添馨
羶當筵特見異博識無庸詮藏之或論價裏此猶吾羶
珊瑚尚可擊磧路徒飛烟彼還彼牙市我且我栢棬角
貓獨不出記取征西年

時儼

古人重儼疫時俗事禳禳歲陽欲改律輿鬼寢耀鉅厲
神乃恣肆魃蜮并猖狂倭僮幸成列巫覡陳禁方虎頭
眩金目玄製炳赤裳桃弧毆菑沴豆礫斃瘴剛八靈悉

震懼六合高塞張清寧信不害動靜維吾常世途頗險
鎰人魅更跳梁狐鼠戴介幘變魑竊香囊煎熬到膏髓
擊剝成疖瘍乘風作國蠹抵隙為民殃自從九鼎沒誰
使百怪藏瘡寒服褫帛飢竄食閒糧蘆花蔽汝體橡栗
饒吾腸地膚竟卷去天孽俱彫傷神荼欲呀啖蟠木蔓
不長蒙俱強顏貌枯竹無耿光聖言謂近戲五祀徒驚
惶惜哉六典廢述此時儼章

北方巫者降神歌

天深洞房月漆黑巫女擊鼓唱歌發高梁鐵鐙懸半空
塞向瑾戶跡不通酒肉滂沱靜几席箏琶朋捐淒霜風
暗中鏗然那敢觸塞外祇神喚來速隴坻水草肥馬羣
門巷光輝耀狼麤舉家側耳聽語言出無入有凌崑崙
妖狐聲音共叫嘯健鶻影勢同飛翻甌脫故王大獵處
燕支廢磧黃沙樹休屠收像接秦宮于闐請駟開漢路
古今世事一渺茫楚機越女幾災祥是邪非邪降靈塲
麒麟被髮跨大荒

題袁子仁所藏巴船出峽圖

巴山一帶高崔嵬，巴江萬里從天來。
前夫疾挽後夫推，黃牛白狗遽船開。
曉風東回水西上，灩澦堆頭伏如象。
盤旋鳥道怕張帆，汨沒龍淵驚棹槳。
世人性命重濤波，吳鹽蜀麻得利多。
怪石急流須勇退，貪夫險魄謾悲歌。
神禹醜江江更惡，五丁鑿路空巖壑。
舟船可坐尚髮危，棧閣能行終淚落。
嗟茲舉目無不然，直愁平地即山川。
至喜亭邊聊酌酒，長年三老好攤錢。

東夷倭人小摺疊畫扇子歌

東夷小扇來東溟粉牋摺疊類鳳翎微颺出入揮不停
素繪巧豔含光熒銀泥蚌淚移香冥錦屏罨畫散紅青
皓月半割蟾蜍靈紫雲暗惹鮫魚腥徐市子孫附飛舲
裔然家世雜梵經文身戴弁舊儀形對馬絕景兩浮萍
殊方異物須陳廷富賈巨舶窺天星祝融噓火時所丁
島濱賣筴送清冷白龍浸皮暑欲醒玉階滴水夜撲螢
蓬萊山人降輜輶扶桑繭絲結綵綰祖州芝草釀綠醅

穹龜巨鼃動遭刑海神惜寶轟雷霆鄙夫卧病臨虛局
蒲葵百柄稱使令冰漿蔗液但滿瓶石榻被髮氣自寧
新羅一念終飄零塗脩雉尾吾何銘

憶寄方子清時子清久留吳中

一別嗟何處相思撫舊蹊月明施瀨北雲起蠡巖西跋
涉舟車動過從笈篋攜鄰光因借燭道味冒吹虀好學
螢分照論交雁擇棲丘園心薜荔海國氣鯨鯢卷帙籤
翻蠹謳吟硯發鱗經筌參老易樂府錄鏡顰治法推周

稼淳風仰漢綿談玄知野馬考字守家雞土域標鞮象
天圖辨輝鐫遺文多廢墜妙契極端倪獨樹盤桓久平
蕪眺望低霜林紅玳瑁霧雨碧玻璃屏跡依孤兔銷愁
對鷺鷥塵書投梵夾美餉挈童觴櫺葉時遮峒藤梢或
冒谿龍居睨雪瀑虎路躡霞梯出入恒聯袂追隨幾杖
藜竹山香嶺嶠花島繡湖隄尚義開巖始延儒振席齊
生徒脩棗脯祭品授蘋蘩錦石看還數蒼松倚却題吾
伊朝屢集渾灝夜同稽自謂菖為歎人疑穀似稊中悵

真抑鬱外物總筌蹄歲序空流邁濤波益慘悽故袍寒
擘繭雄劍滑膏鵝綠映牽帆水紅黏曳屨泥娃宮釵鈿
拾甫里筆牀齋鶴市歌喉引鱸鄉鱸手搥吳趨誇粉黛
越產購珠犀富業連橙圓菑霖潰稻畦占歸仍浩渺結
客重酸嘶彼此身如寄參商夢欲迷蓬飛甘掃軌桂落
得通閨俠眼收丹電仙襟化素霓貧期金埒騁賤許玉
階躋病矣長憂痼間哉敢恨睽撈除須爾鑷磨刮更予
篋本欲晞王貢茲猶慕阮嵇猖狂疏奏牘軟弱謝畊犁

習靜求神悟超羣畏俗擠清琴桑有鯉鉅弩蹠非麗教
駕傳銜轡觀隅識橈杆耜芝鰲受謫抱璞則聞啼性命
緣窮鬼功名屬嬖奚悠悠驚與鳳泯泯鹿將麀白谷今
安駟青霄古執珪毋寧枉隱逸辛苦等黔黎

腕珠伎

腕珠聞自宮掖來長竿寶腕手中迴日光正高竿影直
風力旋空珠勢側當時想像鼻生蔥宛轉向額栽芙蓉
筋頭交筋忽神駭矛葉舞矛憂技窮昔人因戲存戒懼

後人忘戒但戲豫漢朝索撞險還愁晉世梧梓危不寤
徘徊徊奪目睛款款傾傾獻玉璫滑涎器從龍堂出
輝燿命與鬼骨爭君不見王家大娘材藝絕勤政樓前
戴竿折市人謹笑便喧城驚動金吾白梃聲

方景賢宋景濂夜坐觀吳中雜詩遂及宣和博
古圖為賦此

壯歲何心老一儒東遊飽食有江鱸詩宗鶴膝蜂腰體
禮象龍頭豕腹圖三士操琴知爾達八公遺藥忍吾臞

吳中勝處多朋故話盡寒宵燎葉鑪

客夜聞琵琶彈白翎鵲

白翎鵲東海來十里五里何摧頽一飛飛上青霄際再
飛飛墮黃沙堆少年臂名鷹齊出跨駿馬放鷹一馳躍
與鵲相上下身佩木弓射必命中中疊雙蹀血芟毛天
欲雪摩雲壓草地多風衝突三邊有意氣指揮八極無
英雄白翎鵲西海去千里萬里何軒翥一飛飛上賀蘭
山再飛飛過鐵門關少年領強兵乘勝即轉戰戟頭吹

火光旗幟舞秋練手持生鐵刀空城烏雀盡死麋麋鹿
瘡痍無處避角貓躑躅向人號收拾廣輪莫郡邑肅清
星嶽靜波濤白翎鵲東海西海都驅霽太常名見日月
山治定禮行功成樂作大雅清商久寂寥鷄遯迹多
絃索上林花開早浮豔榆塞葉落終迴薄一聲高一聲
低一聲懾懾百虎豹一聲束縛千鯨鯢白頭漢士聞先
拍青眼胡兒聽却啼君不見康崑崙羅黑黑開元絕藝
傾一國若還睹我白翎辭二十四絃彈不得

小園見園丁縛花

我嗟衆草木高出凌雲端叢生或滿地品彙可不完山
園我栽時作此小屈蟠龍頭何其蠢鳳翼乃若干胡然
贊化育任意騁雕刻勾萌欲旁達節目終液樞縈迴挾
煙彩刻剝獻雨瘕立身既不直生理寢彫殘春陽彼一
時花發黃白丹歌謳雜舞吹酒炙飫柘梓歲晚忽焉至
北風吹汝寒皮膚早蝟蝕骨髓憊枯乾聖人治天下萬
國無不歡視民本如傷動植總相安刑名威雪電劒戟

血波濶廟堂苟失策閭里轉窮殫彼哉彼園子此況僞
爾冠人生但心勦若處得體胖我方即移汝前有蒼蘚
壇世非部索馳何以垂鑒觀

得大人書喜聞秋末自賽音布拉克復回大都
賦寄宣彥高

一紙江南到屋扉高秋漠北奉宮闈金微駐蹕踰唐塞
鐵勒鳴弮接漢畿繇蕞行朝因贄玉蹕林望祭類游衣
明年草賦呈親去想像汾陰扈從歸

次韻柳博士五洩山紀遊二首

日曉行呼野鶴羣，山溪五級洗巖氛。
虹霓射壁從空現，霹靂搜潭到地聞。
桑苧茶鐺遺凍雪，僦仝藥杵落晴雲。
飄然早已同仙術，老我曾探嶽瀆文。

一點剛風削玉蓉，仙山肺腑閔重重。
眼穿上界成官府，舌卷西江得祖宗。
驚嶺雞峰渾未到，龍湫雁蕩豈多逢。
年來卧病吾環堵，負却詩家九節筇。

方景賢回聞吳中水滂甚戲效方子清儂言

客來自吳土示我吳儂言吳儂歲苦水謂是太湖翻太
湖四萬頃三江下流洩疏濬久無人淤汙與海絕東風
一鼓盪暴雪如頽城屋扉蚌蛤上畦畎魚龍爭嘉種不
得入種亦悉爛死民事何所成食天俱在水富豪僅藏
蓄官府更急糧貧窶徒糴餒妻子易徙鄉散行向淮壩
隨處拾稻粟雖然遠鄉土恐可完骨肉東吳本富盛數
歲偶彫殘世非欲繭絲官曷任虎冠國家自克實財賦
有淵藪給復當我及安寧到難狗何人講平準何人議

河渠荒政固有典水利復有書龍蛇方未毆鴻雁尚在
澤縱令可還定何計免溝壑何時水幸退我得刈稻禾
水退泥盡出草屨更撈蝦我思告朝廷來歲不可待毋
庸水爭地便放江達海客今聽我言我欲解農憂所爭
但一水民氣庶今瘳自從唐季來吳越無兵械至于宋
南徙淮蜀此都會大田連阡陌居第擬侯王錦衣照車
騎玉食溢酒漿居然甲東南遂以侈濟侈培克自此多
彫瘵亦以起天寧不汝恤有此水潦淫要令沃土瘠民

得生善心豈惟生善心且用戒培克采詩觀民風願踵
太史職

題毗陵承氏家藏古錢

我觀泉志頗識錢古今錢品不一傳歷山鑄金史靡紀
泉府職幣開其前五銖半兩日以變榆莢鵝眼爭相緣
重輕子母信有制周部肉好俱完全吾知聖人利世用
要在百貨得懋遷農夫紅女寘不易尺布斗粟儲為淵
嗟哉後王弊自此竟使匹庶握利權剪皮鑿鑠偽莫禁

執籤障簾慳稱賢國儲何當調度足民食矧是蘆鹽先
潛交鬼神欲著論臭銜富貴仍開鄺冶卒銅工各鼓鞮
偏鑪盜鑄多烟燧一朝變通別改幣餘盡沈朽徒埋船
承君好古此收拾寶玩有若編埒然大貝南金特嗇厚
元圭博璧同瑛鮮漢官受一潔簠簋晉士挂百酣枯櫬
白水真人笑有讖上清童子猜非仙古錢勿用幸久聚
古貨難賣空精甄時能撫摩却穢夢坐與饕餮收饒涎
世間萬物裹可盡牀脚一甕踏欲癩試看營室鑱星處

何似揚州騎鶴年

白鼻騮

白鼻騮白鼻騮當軒迥立噴風沙名驥留良定北土蹇
驂索價猶東家青松縛柳曉安阜紅錦裁韉春映草支
遁心機愛神駿伏波骨力輕衰老去年禁馬無馬騎天
下括馬數馬皮浮湛鄉閭萬里足笑傲品秩千金羈幸
哉漢武重修政徃矣劉聰真覆鏡立防戰備要馬稀藏
富民衆須馬盛向來河隴色為羣目極川原亂若雲庶

人徒行未足恤世間醅駟何由得

寄吳正傳

日晚天寒攬敝裘西南目盡澈江流養生有論空成嬾
招隱無騷却好遊雁鵠吟風燈照机蛟龍躍雪劍鳴講
平生自笑飛騰莫幸矣心猶與道謀

樓彥珍北遊京師予病不及往餞歲晚有懷并
寄彥昭浚常

日晚北風起少年方遠遊徘徊上谷塞眺望黃河流崢

嶸十月冰朔色壓九州熒煌大明殿御道接龍樓時巡
向灤水臘雪擁薊丘前驅鸞鳳旗後乘貂鼠裘尚食豐
宴飫教坊樂箜篌百官散城邑駝馬盡歸休自今帝王
都想爾觀覽周却疑書傳間不謂秦漢優何家非許史
無客不枚鄒投輪即雨集揮袂遽雲浮東航扶桑陰西
竿崑崙陬變化指顧異芻蕘立言收文物彼洛禊土音
吾越謳私將竊祿志勇赴隨陽謀隨陽即澤雁竊祿豈
梁鷺美玉獻劒璫精金鏤希韞出門亟裝束行路肯滯

留布韋謾老耄鄉里惟田疇功名幸一遇螻螳尚公侯
學問敢強飾黍稷待耜耨當令竹帛上直與先達侔毋
使螢爝光肅然寸草秋嗟予久抱疾餞酒弗及筭念爾
忽萬里征夢或見求宣生頗俊逸鄭子復綢繆趾高有
捷步冒正無昏眸早看拜家慶共許動宸旒傳車定不
礙關鑰便若抽杏花開如錦楊柳滿陌頭去時小兒女
來詫真驂騑

送俞觀光學正赴調京師

崑崙東南禹九州山高海濶峙以流齊秦相襲一介丘

梁魏何有真浮漚天邑當中控四陬先生去矣不可留

二十起家今白頭獨騎麒麟誦春秋我無糧食無車舟

出門笑看雙吳鉤神氣化作青金虬大江有路通淮洲

汴河急下蛟鼉愁呂梁犇蹶壓黃樓故墟荒草項與劉

澤蛇臺馬一戰收東連鉅野荷花稠泰山鳬繹倚魯鄒

北沂衡漳水凌浮漚沱碣石帶白溝田光荆軻尚夷猶

擲鼃屠狗何煩求天門蕩蕩開長楸日莫道遠吾驂騑

誰歟遇者多公侯眼中勞苦問所由南土有客非常儔
百年文獻尚汝優公車奏牘幸早投孔姬禮樂正旁搜
齊楚辨智虛前籌祖朝肉藿豈異謀庾信詩賦俱雕鏤
朔風吹塵織卉裘炕牀煤炭手足柔韭菹豆粥却滿甌
真珠滴槽酒或筭伐狐燭兔進庶羞妖歌慢舞陳箜篌
老當益壯在此遊選曹已似執券酬早鵬一飛即掣鞲
先生去矣聽我謳悠然獨酌更馬周長安索米毋庸憂
同吳正傳詠龔巖叟小兒高馬圖

北平猿臂久不侯，伏波矍鑠空持矛。
并州小兒十歲許，雙足捷走真驂騑。
金鞍玉勒絲轡絡，肉鬣風鬣雪斷齟。
郊衢一躍自矜驕，血氣未完先躑躅。
漢皇神武駕英雄，西極飛來八尺龍。
城東鬪雞爾尚可，磧外鳴劍吾無功。
初陽却照長楸道，白髮奚官泣枯草。
悠悠翠蓋與鸞旗，老矣驂騑那得知。

浦陽十景

仙華巖雪

手倚晨局一渺漫山神擁出玉巔嵬光侵道者祠星室
跡破樵家斲藥壇石筍撐空穿宿暝天機織素挂餘寒
俄然喚醒西南夢怕作松州徼外看

白石湫雲

獨上南山最上頭朝濟一點便成湫巖腰動石風初起
海眼輸泉雨欲流蜥蜴含珠光照夜靈霞卷鐵黑沈秋
明當去挾騎籠叟直到扶桑第幾洲

龍峰孤塔

老眼前頭尺五天，真龍角上正攀緣。
規橈白馬馱經過，想像玄鰻護塔眠。
梵唄將回知磬絕，神珠欲墮見燈懸。
何妨宴坐初禪界，蠅蠓紛飛即大千。

寶掌冷泉

乍撥山亭木葉堆，老僧千歲喝巖開。
天從白石雲根出，地帶青泥雪髓來。
竹影自深斜映月，魚腥不到半凝苔。
世間夢渴知多少，可待金莖露一杯。

月泉春誦

古木叢中息世誼老生力學掩溪門危絃未絕人須聽
蠹簡多忘我欲溫白兔流光分石色蒼龍擁沫驗沙痕
從今更浚源頭水莫待投膠與救渾

潮溪夜漁

昨夜寒潮與此通荒溪尚趁百川東行依柏樹林頭月
釣拂蘆花嶼畔風插竹侵沙魚尾短篝燈映草蟹碕空
太公遠矣吾將隱赤鯉何書在腹中

南江夕照

偶出官橋倚落曛詩家觸景謾紛紛彈琴在峽驚聞瀑
罨畫為溪喜得雲竹篠晚深樵弛擔莎根秋短牧歸羣
道旁更有粉榆社欲脫蓑衣藉酒醺

東嶺秋陰

幾點晴雲著樹梢寒山蒼莽類城壕雞豚日落聲相接
鸛鶴風涼勢自高小徑殘榛分嶺脊平疇淨綠帶溪毛
朝來雨足多秋意井上無人事桔槔

深衷江源

半遶山根但一窪真源鑿破杳無涯清澄灌或於陵圃
窈窕尋猶博望槎積雨衝隄蝸自國微烟冪渚鷺專沙
欲行復坐皆雲水只屬騷人與釣家

昭靈仙跡

一掌嵯峨是玉京連峰欲向鼎湖傾高張黼座龍隨下
靜擁珠軒虎獨行白雪松扉雙立影清風藥井倒吹聲
長歌為問西王母却把荷花與送迎

劉龍子歌

劉龍子龍子出山龍母死一雙赤鯉騰來多玄龜獨戰
翻天河山頭種楓高不得楓葉落波秋正黑潛遊蟹斷
島無人飽啖蝦鬚汊作國巢湖龜眼看欲紅邛都魚頭
闢為宮絕磴懸梁但一勺雲綃霧縠餘長風劉龍子龍
子為龍猶念母枯江沿海歸何所研中墨水吾乞汝昨
夜蛇醫送飛雨

五洩東源有地度可十數畝後負山前則石河
如帶幽篁深窈蓋隱居學道者可築室偶賦一

詩屬陳彥正

越中五洩古名山東源峻嶺空雲間老石峻嶒欲見骨
天河瀉破莓苔灣蛟龍縮身似蜥蜴魑魅出沒司神姦
雷公一聲忽下擊鳥跡不到猶重關青華仙真舊治所
碧落侍從登清班穴疑綵綬據一柱戶想銅獸銜雙環
鳳馭鸞鞭白羽瓘芝樓茵閣朱莖殷梯梁未絕或可值
洞府寢遠多愁顏嚮曾褰衣得揭涉別擬鑿徑通茅管
寬弘頗占十數畝夏靜粗覺非人寰澗流帶綰玉繚繞

巒翠髻擁花爛熳截斷塵埃與世隔構成棟宇寧吾慳
陳君尋常有道力況此跬步臨幽潺虛空光明白不動
寶鑪溫養丹將還丈夫出處我已定馳字早寄孤飛鵬
休拘崑崙并漲海遇有勝處同躋攀

樓光遠家觀宋綬景德鹵簿圖

東朝盛文物四海極豐富粉飾郊祀間馳驅漢唐舊奉
常夙有掌鹵簿列前後車輪麾飛黃戟盾服錯繡啓肱
龍虎動扈衛鴛鴦遙嗟峨屹丘岳灼爚羅星宿陳兵吉

利隊擇馬駒駉廐嚴須呵八神喜欲拊百獸祖宗所繼
承宇宙徧包覆上公敬執邊天子親獻酎靈光旂旗林
縟典禮樂囿威儀一以整瑣碎無不究時惟正垂拱國
幸息戰鬪玉策恐人聞帛書疑鬼授紛紜務欺阿制作
窮刻鏤老幼咸駿奔穹示總馭臭中誠廼根本外貌特
膚腠封寧重礮繩饗或貴型餽居安昧危機致治啓亂
實文華終耗財武弱益招寇雖然喧一朝孰得燕未胄
五輅忽已沒三京杳難救惜其初討論盍不返樸陋臨

風披此圖歎息我呂綬

射的山龍瑞宮問陽明洞天洞蓋是禹穴

意行得古洞忽到陽明天人傳是禹穴愧我匪史遷上
摩青冥出湧作芙蓉巔下開巨石窟鬱以藤蘿纏自昔
乘四載於茲理百川岳瀆通脈絡蛟螭被拘攣真長或
可待宛委空風煙衣冠竟一窆簡札猶遺編世間後百
世龍鬼巧相挺安能洗滌盡却見鴻荒前惜哉不可及
恐此復偶然黃庭或祕景絳府尚靈仙精英倚怪木狡

猶戲神泉

闕

論鳳文鳥肯降狐鳥筵長嘯望天末白雲

年復年

題趙大年林塘秋晚圖

老景青黃筆底收晴鳬冷雁共汀洲王孫畫學空花竹
不到銅駝陌上秋

寄喻國輔張宜之

手挾殘編只蠹塵山林著我最閒身槁梧可據瞑須熟
華黍雖亡補欲真危坐但看燈作暈遠遊還覺劍生鱗

相思正是多風雨滄海無涯可問津

檢故度得故洪貴叔所書李鐵槍本未寄洪德
器

天地昔未一朔南遂分疆中原久喪亂白刃皎如霜李
全本崛起手挾但鐵槍山東數十城叱作古戰場茫然
即斷指設誓如割羊一朝與旌節對面將假王云何引
盜賊遽爾升堂隍豈其弱能立當彼驕則亡日落山海
暗羣龍血玄黃陳安偶從晉侯景徒旤梁於人欲使詐

在國須謀長大福豈無妄佳兵終不祥誰令送死處竟
以抱甲僵漢盤忽已折周鼎那能常吁茲撫舊墨我涕
徒為滂俛仰千古意悲風嘯枯桑

浦陽舊有明月泉久而不應今乃䟽道其源似
頗與弦望晦朔之間相為消長者遂作是詩

大區何渾淪元氣乃潛洩忽然為山水無往不融結遙
天偶一照厚地空餘列盈將光共生涸與魄同滅玄機
自消長至理誰圓缺發揮雖有在窺測尚未決枯查曾

幾棲斷泐遽中裂半倚嵐翠雲微通海潮雪昔人來推
求於此得表絕虛亭奚其敞靜甃獨不齧歲年竟悠遠
沙石漸填咽寧加䟽淪功肯使見聞褻恍疑合圖經環
坐到稚耄儻非蟹投碕幾類鮒處轍纖纖浮晶彩湛湛
浸寥泐舊觀方爾還真源可吾鱣爭言彼月行豈為茲
泉設蕭丘胡長寒漢井或再熱逝尋白兔公直探神龍
穴狂歌水仙詞擊碎如意鐵

吉祥寺

一昔逢寒食行吟採物華風生敲檻竹雨濕墮船花曲
塢青龍樹長灘白鷺沙回看江上水直去到吾家

王濬南太山石室

我將呼巨黿滄海欲掀播於茲玉鼎淪遽使金甌破兵
氛塞中原卦氣協大過誰封函谷關便掃太微座長矛
左右盤勁矢五十箇歌鳳幾能來跨驢吾得坐當其一
手麾豈止千夫和力須坼老拳事且居奇貨真儒雖有
材用武竟無佐青雲飛遐心白羽灑寶唾撫時乃紛綸

結客仍輓軻人生足窮通世故更弔賀熒然凍霧中仰
見明星大宜哉秦階平返汝雲壑卧專門尚吾醇致幣
徒爾菱既為梁鴻逃復危龔勝餓從知大耋嗟肯以淫
威挫放淚且泣岐聞風猶起懦滹河自波濤石室今堀
堞寥寥紆我哀苦語不成些

西域種羊皮書褥歌寄李仲羽

波斯谷中神夜語波斯牧羊俱雜虜當道剗刀羊可食
土城留種羊脰骨四圍築垣聞杵聲羊子還從脰骨生

青草叢抽臍未斷馬蹏踣鐵繞垣行羊子跳踉却在草
鼠王如拳不同老飫肉筵開塞饌肥裁皮褥作書林寶
南州俠客遇西人昔得手褥今無倫君不見冰蠶之錦
欲盈尺康洽年來貧不貧

次定海候濤山

悲歌忽無奈天海何渺茫放舟桃花渡回首不可量南
條山斷脈北界水畫疆居然清冷淵枕彼黃茅岡朝溲
日星黑夜淒金碧光蹲虎巖倚伏鬪雞石垂張磨礱越

湛盧盪泊吳餘皇
幽波視若畝
巨壑深扶桑
招徠或外域
貿易叢茲鄉
嗚咿燕國語
傾倒龍衣裳
方物抽所寶
水犀警非常
驅鱗作旗幟
駕鼉為橋梁
似予萬里眼
徒倚千尺檣
稍疑性命輕
終覺意氣強
寄言漆園叟
此去真望洋
便擬學仙子
被髮窮大荒

夕泛海東尋梅岑山觀音大士洞遂登盤陀石
望日出處及東霍山回過翁浦問徐偃王舊城

八首

山月出天末水風生晚寒扁舟劃然往萬頃相渺漫星
河白搖撼島嶼青屈盤遠應壺嶠接深已雲夢吞蟠木
繫予纜扶桑纓我冠寸心役兩目少試鯨魚竿

起尋千步沙穹石塞行路怒濤所掀擊徒以頑險故卓
哉梅子真與世良不遇上書空雪衣燒藥迺煙樹玄螭
時側行縞鶴一迴顧從之招羨門滄海晝多霧

茫茫瀛海間海岸此孤絕飛泉亂垂纓險峒林削鐵天
香固遙聞梵相俄一瞥魚龍互圍繞仙鬼驚變滅舟航

來旅游鐘磬聚禪悅笑撚小白花秋潮落如雪

長嘯山石裂我今在東溟遊日出重微寒衣窮絕陁奇
氛抱珥赤遠影摩空青想像賜谷水徘徊燭龍形晨昏
相經絡稚羞不得寧豈若柯斧爛看棋了千齡

遙觀杳無極宛與東霍鄰悲夫童男女去作魚鼈民紆
嶼尚餘聚蓬山寧爾神古棹苔駐跡仙枰竹祛塵短褐
徒為拂飛槎邈難親好攜支機石去躍織女津

笑揮百川流東赴無底壑青天分極邊白浪屹為郭弁

裳或時采椎髻亦不惡投珠鮫人泣淬劍龍子愕海宮
眩鱗纓商舶豐貝錯盍不呼巨鵬因風泝寥廓

老篙迴我舟沙壘晚煙起蒼茫魚鹽場寂歷鼓吹里人
民悲舊王歲月祀遺址終捐玉几研不抹朱弓矢東西
八駿馬今古萬螻螳此事如或然須臾會稽水

我行半天下始到東海隅水落蕉石出中飛兩鷓鴣情
知瓌奇產勢與險阻俱在夷豈必陋雖聖猶乘桴吭風
丹穴鳳尾雨青丘孤幸隨任公子不愧七尺軀

還舍後人來問海上事詩以荅之

去家纔五旬恍若度一歲豈不道路艱周流東海濤故人喜我返來問海何如所經何城邑相去幾里餘我言始戒塗尚在越西鄙隨波到句章滿目但積水人云古翁洲遙隔水中央一夜三百里猛風吹倒檣初從蛟門入極是險與惡白浪高於山神龍冒以躍似雪復非雪倚檣欲上看舟子禁不可使入舟中蟠尋常重性命今特類兒戲信哉昌黎言有海無天地掀掀終達岸鹽鹵

間黃蘆人煙寄島嶼官府猶村墟水族紛異嗜魚蟹及
蟬蟻我寧不忍餐抹蘚相吐沫荒塵棲予髮旭日照我
身似聞六國港東壓扶桑津或稱列仙居去此亦不遠
蟠木秋更花蓬萊闢真館我非不願往此險何可當天
吳布牙爪出沒黑水洋於奇豈易得似足直一死方去
徒自驚既歸亦云喜珍重故人言勿以險為奇茲行已
僥倖慎勿疾平夷雖然此異鄉固是難久客聖出風且
恬時清海如席我猶愛其然恨不少淹留爾母為我懼

遭此千丈虬試看塵世間甚彼大瀛海衣裳日沉溺篙
櫓相奔潰奔潰孰能救沉溺將奈何口吐舌不下聊為
故人歌

去歲留杭德興傅子建夢得句云龜鼉滄海賦
龍馬赤文書間以語予及其鄉人董與幾山空
歲晚恍然有懷為續此詩却寄董

觸目懷招隱興歌託遂初俗塵多汨沒天籟幾吹噓晚
景翻濛汜秋潮洩尾閭祥雲旗鳳鳥瘴雨弩鯨魚灑淚

鮫人室漂魂建木墟
鼃鼃滄海賦龍馬赤文書上谷空
豪舉西河久索居
蠻琛遺翡翠魯價掩璫璣遠矣鳴髀
箭悠哉薄笨車影搖青薜荔光璨白芙蕖
自昔攻佔畢于今載耒鋤彈冠身有待鑄研志非虛
蘇子縱橫術韓生內外儲乾坤瞻魏闕日月夢周廬
炫燿螭雕珮蹢躅隼建旗列衣騰朔漠膠棹入黃淤
趙女絃鴻鵠奚兒駕駟驢
詞林應聘汝俠窟肯愁予
結騎幽并窄掄交楚越
踈竒功生鼎鼎猛氣死蘧蔭
藥物金鵝採兵鈴赤鯉漁

中條分雍豫四序出堪輿小榻琴心展長纓劍膽舒按
圖稽獬廌醕酒笑鷄鷩野屐偏求蠟山中尚著練貧猶
思祿仕老不廢耕畬卓棹才終用猖狂習未除文章同
一默歲月或三餘榮竹登玄圃然藜問石渠定須追樂
毅端為謝曹蜍

山中人二首

貧賤素所有豈辭辛與勤清晨腰我斧往伐西山薪高
巖屹巨壑蛇虎氣逼人衣裳既不完出入在荆榛日日

一接浙金甌。恒生塵白石。幾時爛青煙。空滿鄰家徒。四壁立冬令。方行春亦有。偃佺子。脩然為世珍。

去經十數里。霜露淒枯田。蓑笠既挂壁。桔槔亦倚垣。相從盡鄰曲。言笑仍喧喧。惟此老瓦盆。酒漿稍羅前。奈何不解飲。而喜鯨吸川。有如善汨人。觀者乃在船。寸心久已醉。雙眼方醒然。世俗正馳驚。悲哉東西阡。

柳博士自太常出提舉江西儒學來訪宿山中

二首

一掃空山鹿豕蹤車如流水馬如龍黃魔法仗知宸輦
青史勲名問景鍾宣室受釐端有名曲臺傳禮尚為容
少年作賦將投獻東北孤雲是岱宗

尚有歐曾舊典刑森然人物照青冥身從北闕攀燕桂
夢壓西江食楚萍萬里毳袍春值雪千年龍劍夜占星
此身恨不輕簦笈的的根源在一經

鞦韆行寄趙季良時趙留京邑

京城寒食來沽酒城北城南映楊柳人家歡笑踏鞦韆

杏板絲繩相對懸宮錦翻衣真富貴俗軀走肉盡神仙
徘徊宛轉當風立春晚多風吹汝急鞦韆已墜蹴鞠空
華鑣翠鞞擁青驄軒轅臺前日月近無終國裏山川同
遠方羈旅紛馳逐燕趙佳人美如玉燕歌趙舞歡未足
去年芳草今年綠

寄張子長

世豈無推挽人誰有典刑稍懷南國彥恒愧北山靈萬
里麻衣敝千年竹簡青義文先索象魯頌或歌駟杞梓

儒林挺魚龍俠窟鯉塵埃完結綠粉黛飾娉婷脫略蘇
張弇漸摩管樂研道途餘雪屨巖穴但雲扃本擬陳三
策吁嗟守一經跡卑淪燕雀踪遠及猱挺種菊行荒援
看松俯絕陁仙棋閒度日旅劍懶占星故里青桐巷雙
溪白鷺汀交遊多握手歲月此忘形志氣需來哲才華
壓妙齡秦坑收未燼漢粕漫奇馨正器陳籩豆專門識
鼎鉶犇騰鞭用駿袒裼割分腥卓立撐喬嶽孤流混濁
涇鵲飛持或布鯨吼扣非筵別袂逢秋怯鄰燈入夜熒

沉沉猶在野憲憲欲揚廷舜殿瞻儀鳳堯階數厯冀螭
坳文錦褥獸闔紫金釘列徽環霄漢游車發震霆紉書
官命史吹律樂求伶迅奮君須競棲遲我未寧簷風歌
警枕井雨泣羸瓶古陌垂楊柳空山老茯苓只今馳尺
楮何所問南溟

二月六日雨書都城舊事

燕南趙北吹黃塵九天空闕生紫雲十二門開衢路直
畫輪驄馬多行客歲寒殿外柳纔青金水河邊冰尚白

雞人傳漏放曉朝文石分班押百僚南陽近親最舞蹈
京兆耆舊爭歌謠教坊供奉飾玉女鐘能鐘聲鼓能鼓
錦來西蜀被玄駝肉出太官餐猛虎初日扶桑稍照人
內筵錫燕杏花春沐犢駢牲泰時祀鸞旗翠蓋驪山巡
東風萬里飄寒雨我昔所聞今不睹快然呼酒擊酒壺
茂陵徐生曾上書

姑蘇臺歌寄方養心

姑蘇臺南閭闔開姑蘇臺北鴻鴈來春花秋月幾時好

步屨尋香去如掃
冤胥憤血空海潮
老澤妖妝又煙草
少年為客誰我令
千里汝猶談一經
黃龍挾舟夜有雨
白虎司劍天無星
山中昌蒲十二節
未肯落盡青頭髮
姑蘇臺上愁殺人
身在勾吳望勾越

女殺虎行

山深日落猛虎行
長風振木威鬚鬚
父樵未歸女在室
心已與虎同死生
揚睛掉尾腥滿地
狹路殘榛苦遭噬
豈非一氣通呼吸
徒以柔軀抗強鷙
君不見馮婦來下

車衆中無人尚負隅又不見裴將軍出鳴鏑一時鞍馬
俱辟易丈夫英雄却不武臨事赳赳汗流雨關東賢女
不足數孝女千年傳殺虎

烈婦行

落日沉海雲壓城官軍多載婦女行大弓勁箭自山下
顏色如灰愁上馬我生不慣生馬駒存者吾子亡吾夫
母寧完身吐玉雪忍使餒肉當熊羆青楓嶺頭望回浦
血指畫巖心獨苦老婦扣地救未及芳草迷天淚零雨

卓哉一死可百年此事已過永泰前
黃沙野塞多降骨
忠義傳中收不得

秋日雜詩二首和黃明遠

明月出東山流光射窻牖
美人曼聲歌翠袖拂南斗
別離終不常歡樂詎能久
笑折青桂枝涼風吹我手
西風披白蘋楚客自枯槁
扳龍思上天勲業苦不早
遐心隨落鴻短髮等衰草
亦有芙蓉花嫣然為誰好

鄮州二首

四月一日尚縣衣知是故鄉花片飛白頭慈母倚門久
目斷天南無雁歸

數株楊柳弄輕煙舟泊潯州河水邊牛羊散野春草短
敕勒老公方醉眠

滄州

荒亭貰酒壯心違目極東州霧雨微百里齊封滄海接
千年禹跡濁河非暗塵掉馬呈金轡衰草看羊著錦衣
猶記上元鳴鼓夜滿船燈火越歌歸

夕乘月渡荆門閣

初更渡荆門觸眼舟楫亂堤吏時一呼舉篙類魚貫野
雞悄無聲行子空扼腕綠樹煙靄沈清波月光爛分涼
短衣披習靜單幘岸畸愁本難祛美景聊此翫荒荒東
原平泯泯魯濟斷歲儉管蒯繁時康萑苻散秋槎別星
河曉夢窺日觀懸知平生奇歷覽天下半長衢紅塵腥
古調白石粲徒聚幾州鐵肯餐三斗炭人生空自憐歲
序忽已換出門更呼車春淺冰未泮

風雨渡揚子江

大江西來自巴蜀直下萬里澆吳楚我從揚子指蒜山
舊讀水經今始睹平生壯志此最奇一葉輕舟傲煙雨
怒風鼓浪屹於城滄海輸潮開水府淒迷灩澦恍如見
潏澏扶桑杳何所須臾草樹皆動搖稍稍鼉鼉欲掀舞
黑雲鯨漲頗心掉明月貝宮終色侮吟倚金山有莫鐘
望窮采石無朝觴誰歟敲齒咒能神或有偃身言莫吐
向來天塹如有限日夜軍書費傳羽三楚畸民類魚鼈

兩淮大將猶熊虎錦帆十里徒映空鐵鎖千尋竟然炬
桑麻夾岸收戰塵蘆葦成林出漁戶寧知造物總兒戲
且攬長川入尊俎悲哉險阻惟白波往矣英雄幾黃土
獨思萬載疏鑿功吾欲持觴酌神禹

寄柳博士

試續儒林傳南州定幾人清標騰鳳翼素手截鯨鱗卓
犖初觀國軒騰早致身燕秦爭騁俠鄒魯共稱醇旅劒
渾如淬家氈在一振於焉徵有道自此教成均學術諸

生識才名六館親
土牀然燭夜茸帳
結餐晨上下笙鏞
間縱橫俎豆陳岐
原周鼓老闕里魏
碑真白日需前席
青雲仰後塵山林
稽猛駁文字到祥
麟豈獨呻佔畢猶
應逐縉紳討論抽
祕典扈從得良臣
絕漠幽州暗滄波
碣石鄰鸞旗飛旖
旒革輅壓輪囷御
苑材官集離宮突
騎巡赤狐翻遠譯
黃鼠割時珍法酒
蒲萄熟天花芍藥
春朔風沙鷁健衝
雪野馳馴北海誰
求隱東都或對賓
三關寧設險八極
總歸仁悵望懷今
古賡歌邁等倫短

衣曾見寵長鉞每忘貧共往仍聯駟同吟更接茵玉山
森巨石金水濯芳津本擬追枚乘終然愧卻詵鹿鳴來
已再鵬擊去何因色挺淮王桂香生楚客蘋聖朝初薦
士江漢有垂綸

一笑

一笑長竿折徒憐大海魚文章猶醬瓿塵土只鹽車白
日燕臺劍清風禹穴書上林誰獻賦愁絕馬相如

嶺南宜濛子解渴水歌

廣州園官進渴水天風夏熟宜濛子百花釀作甘露漿
南國烹成赤龍髓棕櫚亭高內撤餐梧桐井壓滄江乾
柏觀金莖擎未濕藍橋玉臼擣空寒小甕封出香覆錦
古鼎貢餘聲撼寢酒客心情辟酒兵茶僧手段侵茶品
阿瞞口酸那得梅茂陵肺消誰賜枯液奪胡酥有氣味
波凝海樾無塵埃向來暑殿評湯物沉木紫蘇聞第一
觀隋王度古鏡記後題

王家有古鏡軒氏昔鑄成太一來護冶玄冥與儲精日

月鍾瓊瑩龜蛇助威獰萬靈吐真水全體洞泰清綵奩
出未半冰片弄光晶寶匣收不動玉鱗聞的聲有身尚
變化無翼欲飛行恍然百世後流落汾陰城高士觀即
賞胡僧識還驚金鈿拭膏澤絳碧穿屋楹牆垣照可徹
臟腑爛能瑩涕泣念鸚鵡悲酸逢豹生一朝忽屏跡六
幕黯不明狐狸遞隱現魑魅莽縱橫皮膚峻刮削骨髓
窮敲榜雷風儻有作厲虐敢紛更嗟吾幸居山猿鹿與
我爭嗟吾願渡海蛟鰐恐竝迎楊氏雀環在張公龍劍

并因茲訪洞穴得不振冠纓

雙林寺觀傳大士頂相舍利及耕具故物

古稠大山趨古原古寺突兀倚山根小溪前流未及渡
白塔岌起高蹲蹲傳公故宅奉香火厦屋萬間周四垣
梁朝到今數百載兜率說法天中尊世曾出世役妻子
家或漁扈隨犁犍道冠儒履忽一變胡膜梵唄爭駿犇
蕭衍老公坐玉殿捨身建刹開祇園花幡亂飛欲滿席
拍板歌唱聞槌門雲光靈異竟何有仇膺怪神寧復言

藕絲袈裟上所賜奇錦照耀扶桑暎龍宮四萬八千卷
寶藏一轉百鬼掀貝多移文白氎像經律論疏洪其源
黃羅繡褥裏頂骨舍利五色摩尼燉一牛眠雲已化石
雙鶴覆雨仍軒騫劫風吹地日漸壞樓閣樹林無半存
青檣竝聳碧宇上落葉散到人家邨浮屠仁祠始自漢
文屬華蓋何翻翻梁時佞佛特太甚宗祀斷血徒饕殮
父兄子弟且學佛絕滅恩愛生讎冤臺城矗天或死守
虜騎乘釁真游魂幸災樂禍却圍視入室操戈恣齧吞

蠟鵝厭埋冢難遠烏慢囚辱兵氛昏人天小果豈不有
宇宙缺醫疇能藩一朝佛出救不得滄海攪作黃河渾
傳公家居自天屬時復耕耨不憚煩朝廷聰明願不及
塔廟湧出如雲屯長干空迎佛爪髮滿國欲飽民膏腴
羣僧無功并仰食我佛獨不憂黎元惜哉後王永不寤
前後喪亂同一轅後民皈嚮復未已拱手禮跪駢肩跟
咒口波瀾豈祝蟒禪心寂默猶拘猿終然百欺幾一遇
世俗瑣瑣吾何論

登岸泊道隆觀觀有金人闖海時斫柱刀跡因
聽客話蓬萊山紫霞洞二首

我舟半夜發舉目流滔滔倏然風萬里誰謂水一篙幽
島不可辨亂蕉出如鼇侵晨始登岸身靜心實勞小徑
連沮洳玄扃閱蓬蒿彈塗爭走穴傑步擁朱轡怪花絡
璀璨陰木森蕭騷東都昔奔潰南海紛戰艘簷楹偶潛
伏部伍爭遁逃將施攻城火尚見斫柱刀黃屋祛曉祲
翠華溼秋濤運往龍蛻久人來鶴飛高曲巒迷丹鼎清

沼燭鬢毛毋煩踞龜殼自此辭盧敖

起行海東洲重險忽已渡由來產神奇政為孤絕故幽
芳岑客搜修螫高螯赴荒煙淒暗潮旭日照晴樹似聞
蓬萊山去此特跬步蟠根迄中立發乳森外護紫氛蒸
作霞玄浪激為霧古穴通若輿靈文讀不句赤玉舄者
誰黃金闕何處常疑方士說未省仙子遇芝草空漢廷
鯨魚壓秦路彼猶莫能得今我獨何據馮夷開水宮禦
寇控風馭從渠指虛無此計恐遲莫


秋夜效梁簡文宮體二首

無奈良夜永起登樓上頭鵲翻金殿宿螢近玉階流梧
桐老葉恨芙蓉新蕊愁娉好團扇上那得不驚秋
曾是昔年寵如今誰與同秋獵長楊苑夜幸猗蘭宮瓊
杯香泣露翠袖薄禁風將心與明月流入君帷中

元詩選初集卷四十三

謹案第十五頁後四行賽音布拉克舊作散不刺

今改



總校官候補中書臣吳紹澂
校對官編修臣馬啟泰
謄錄監生臣夏清